

OHR/EUSR pozdravlja nagradu koju je NATO savez dodijelio BiH za napredak u reformama



“Odluka NATO saveza da Bosni i Hercegovini dodijeli status «intenziviranog dijaloga» pokazuje da međunarodna zajednica poštuje data obećanja da će nagraditi zemlju za ostvareni napredak”, izjavio je visoki predstavnik/specijalni predstavnik EU Miroslav Lajčák.

Zvaničnici NATO-a jučer su u Bukureštu dodijelili Bosni i Hercegovini status “intenziviranog dijaloga”.

Intenzivirani dijalog znači da će kontakti između Bosne i Hercegovine, NATO-a i zemalja članica NATO-a biti pojačani kako bi se zemlja pripremila za Akcioni program za članstvo, koji vodi u punopravno članstvo u NATO savezu.

“Odluka NATO-a je jasna nagrada za konkretan napredak ostvaren u programu reforme odbrane i došla je samo 16 mjeseci nakon što je BiH stupila u Partnerstvo za mir”, izjavio je Lajčák. “Ova zemlja je pokazala da je ozbiljna u pogledu reforme odbrane te ambicija za članstvo u NATO-u.”

Bosna i Hercegovina je stupila u Partnerstvo za mir u decembru 2006. godine, nepunu godinu dana nakon što su na snagu stupili zakoni kojima je stvorena jedinstvena vojna struktura.

Visoki predstavnik/specijalni predstavnik EU je čestitao ministru odbrane BiH Selmi Cikotiću i načelniku Zajedničkog

štaba BiH Sifetu Podžiću, kao i svim članovima Ministarstva odbrane BiH i Oružanih snaga koji su radili veoma naporno kako bi omogućili ovaj uspjeh.